

चल श्याम धणी के द्वार | by Kumar Deepak

आयो रे आयो रे आयो बाबा को संदेस
चालो रे चालो रे चालो श्याम धणी के देश
आयो फागण को मेलो, सांवरियो मारे हेलो
झटपट झटपट झटपट झटपट आरा रा रा रा
मेलो जोर को लागेगो चल श्याम धणी के द्वार

पचरंगो निशान श्याम को दर्जी से सिम्वालियो
देसी मोतीचूर को लाडू श्याम ताई बनवा ल्यो
वां के भोग लगावांगा, मंदिर में निशान चढ़ावांगा
सांवरिये के ऊपर करस्यां इत्तर की बौछार
लेकर जास्या बाबा ताई में फूला को हार
आयो फागण को मेलो, सांवरियो मारे हेलो
झटपट झटपट झटपट झटपट आरा रा रा रा
मेलो जोर को लागेगो चल श्याम धणी के द्वार

देखूं मैं जी और भी म्हाने दिखे श्याम सलूनो
इब तो बटको काटन लाग्यो घर को हर एक कूनो
म्हाने श्याम को दर्शन करणो है
म्हाने बाँध श्याम के भरणो है
पगथलिया में चालन लागी इब तो म्हारे खाज
उठता सोता याद करूँ थारी सूरत महाराज
आयो फागण को मेलो, सांवरियो मारे हेलो
झटपट झटपट झटपट झटपट आरा रा रा रा
मेलो जोर को लागेगो चल श्याम धणी के द्वार

मन के अंदर को टाबरियो पल पल शोर मचावे
जल्दी जल्दी खाटू चालो बस यो रटतो जावे
म्हे खाटू में धूम मचास्या रे
म्हे भजन श्याम का गास्या रे
गली गली में बाजण लाग्या ढोलक ढप और चंग
मिल बाबा के सागे माधव करस्या में हुड़दंग
आयो फागण को मेलो, सांवरियो मारे हेलो
झटपट झटपट झटपट झटपट आरा रा रा रा
मेलो जोर को लागेगो चल श्याम धणी के द्वार

<https://bhaktivandana.com/lyrics/%e0%a4%9a%e0%a4%b2-%e0%a4%b6%e0%a5%8d%e0%a4%af%e0%a4%be%e0%a4%ae-%e0%a4%a7%e0%a4%a3%e0%a5%80-%e0%a4%95%e0%a5%87-%e0%a4%a6%e0%a5%8d%e0%a4%b5%e0%a4%be%e0%a4%b0-by-kumar-deepak/>